

## NAQQIUT

Siunnersuut 26. januar 2011-imeersup siusinnerusukkut nassiunneqartup taartissaa  
(Suleriaasissamat allaanngortitamut innersuussineq)

**2012-imi akileraarutitigut ilanngaattissat il.il. imatut angissusilerneqarnissaannik Inatsisartut aalajangiinissaannik siunnersuut, tak. suleriaasissani § 33, imm. 6, 2:**

- 1. Inummut ilanngaat.....kr. 48.000 (ukiumut)**
- 2. Ilanngaat aalajangersimasooq.....kr. 10.000 (ukiumut)**
- 3. Aningaasarsiat B-t akileraaruteqaataasussaannigitsut..kr. 5.000 (ukiumut)**
- 4. Killilimmik akileraartussaataasut ilanngaataat.....kr. 1.000 (ukiumut)**
- 5. Kommunitut ataatsimut akileraarut.....6%**

**Saqqummiussissut**

(Aningaasaqarnermut Naalakkersuisooq)

**Siullermeerneqarnera**

Inatsisartut aningaasarsianit akileraarutit pillugit Inatsisartut inatsisaat naapertorlugu 2012-imi akileraarutitigut ilanngaattissat il.il. angissusissaat 2011-mi ukiup affaani siullermi aalajangersartussaavaat.

Ilanngaatit il.il. pineqartut tassaapput:

1. Inummut ilanngaat - § 67, imm. 1.
2. Ilanngaat aalajangersimasooq - § 21, imm. 2.
3. Aningaasarsiat B-t akileraaruteqaataasussaannigitsut - § 20, imm. 2.
4. Akissarsiortut killilimmik akileraartussaataasut ilanngaataat - § 2, imm. 2.
5. Kommunitut ataatsimut akileraarut - § 63, imm. 2.

Ilanngaatit il.il. ataasiakkaat erseqqinnerusumik eqqartorneqarnerat, atuuffii kiisalu ukiuni siusinnerusuni angissusilerneqarsimaneri eqqarsaatigalugit ilanngussaq 1 innersuussutigineqarpoq, soorlutaaq 2012-imi aningaasarsiat tunngavissaattut naatsorsuutigisat ilanngussaq 2-mi nassuiaatigineqartut.

Naalakkersuisut siunnersuutigaat 2012-imut akileraarutitigut ilanngaattissat il.il. 2011-mut sannilliullugit allannguuteqassannigitsut, tassalu ilanngaattissat ataasiakkaat annertussusissaannik allannguuteqartitseratarsinnaanermi Akileraartarneq atugarissaarnerlu pillugit Isumalioqatigiissitap inaarutaasumik nalunaarusiassaa utaqqisariaqassammat.

Taamaalilluni ilanngaatit aammalu kommunitut ataatsimut akileraarut 2005-imi akileraartarnikkut aaqqissuusseqqinnerup kingorna allannguuteqartinneqanngillat, ilanngaatimmi taamani katillugit 10.000 kr.-inik qaffanneqarsimapput taakkulu saniatigut kommunitut ataatsimut akileraarut 2 procentpointinik qaffanneqarsimalluni.

Kalaallit Nunaanni Kommuneqarfiit Kattuffiat nalunaarpoq kommunitut ataatsimut akileraarutit 2012-imut allanngortinnagu 6 %-imut angissusilerneqarnissaa isumaqataaffigalugu.

Taamatut oqaaseqarlunga 2012-imi akileraarutitigut ilanngaatisat il.il. siunnersuutigineqartu-  
tuut angissusilerneqarnissaat Naalakkersuisut sinnerlugit inassutigissavara.